



Projekat finansira  
Evropska unija

## Regionalni program lokalne demokratije na Zapadnom Balkanu ReLOaD



u partnerstvu sa Općinom Gradačac

### Izveštaj o održanom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u općini Gradačac

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)<sup>1</sup> u saradnji sa Općinom Gradačac, u ponedjeljak, 20. maja 2019. godine u trajanju od 11.00 do 14.00 sati održan je prvi od četiri planirana mentorska sastanka za zainteresovane predstavnike organizacija civilnog društva (OCD).

Prvi termin mentorskog sastanka je najavljen u oglasu za javni poziv objavljenom u novinama Oslobođenje, 06. maja 2019. godine kao i na zvaničnoj internet stranici Općine Gradačac ([www.gradacac.ba](http://www.gradacac.ba)) te Razvojnog programa Ujedinjenih nacija ([www.undp.org](http://www.undp.org)). Dodatno, kako bi se osiguralo da su OCD obaviještene o mentorskoj sesiji i Otvorenom danu, Općina Gradačac je uputila popoziv za učešće na informativnom sastanku za OCD Otvorenom danu kao i mentorskom sastanku koji je objavljena na službenoj internet stranici Općine Gradačac.

Sastanku je, pored mentora i predstavnika Općine i UNDPa, prisustvovalo ukupno devet (osam žena, jedan muškarac) predstavnika OCD iz šest OCD. Na početku mentorskog sastanka učesnicima je pojašnjena uloga mentora, naglašavajući da je jedina uloga mentorada ukaže na greške, tene učestvuje u rješavanju istih. Mentor nema mandat da se direktno uključuje u izradu projektnog prijedloga, te u cilju osiguranja primjene transparentnog pristupa realizacija mentorstva po principu „jedan na jedan“ nije dozvoljena, tačnije prisustvo mentora i jednog predstavnika jedne OCD nije moguće. U toku trajanja javnog poziva, planirana su maksimalno četiri mentorska sastanka, a sve u zavisnosti od interesa predstavnika OCD.

Zbog činjenice da je mentorski sastanak organizovan odmah nakon informativnog sastanka Otvorenog dana, mentor nije imao potrebu prezentovati osnovne elemente javnog poziva, već je fokus stavljen na prezentaciju iskustava iz prošlogodišnjeg javnog poziva te su prezentovane najčešće greške koje su bile vezane za diskvalifikaciju, odnosno eliminatorne kategorije iz evaluacione matrice: finansijske i operativne kapacitete te relevantnost projektne ideje.

Dodatno, mentor je u toku svoje prezentacije naglasio važnost dosljedne pripreme dokumentacije za predaju projektnih prijedloga, te da je neophodno da osnovni dokumenti budu u međusobnoj korelaciji i logičkoj vezi. Više puta je naznačeno da bi organizacije trebale započeti pripremu projektnih prijedloga i dokumentacije pravovremeno, kako bi u toku trajanja javnog poziva, učešćem na mentorskim sesijama mogli riješavati eventualne dileme.

---

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).



Projekat finansira  
Evropska unija

## Regionalni program lokalne demokratije na Zapadnom Balkanu ReLOaD



U završnom dijelu sesije, predstavnici organizacija su postavili nekoliko pitanja koja se tiču formulacije konkretnih projektnih ideja, na što mentor prema opisu svojih dužnosti nije imao mandat da odgovara. Ponovljeno je da uloga mentora jeste da pomogne predstavnicima organizacija kako bi formulacija dijelova projektnog prijedloga bila u skladu sa metodologijom.

Jedna organizacija tražila je savjet u vezi sa dilemom da kao udruženje koje je do sada implementiralo samo projekte manjeg obima, predloži projekat čija vrijednost je iznad 20,000.00 KM jer problem u zajednici zahtijeva veću intervenciju.

Odgovor mentora bio je da se udruženjima sa manjim operativnim i finansijskim kapacitetima savjetuje da nađu partnersko udruženje koje ima više iskustva i/ili snažnije finansijske i operativne kapacitete ukoiko smatraju da je potrebna podrška tokom implementacije, ali da je krajnja odluka na udruženju koje treba samo da procijeni da li posjeduje dovoljne kapacitete za predloženu intervenciju.

Jedno pitanje bilo je u vezi sa korisnicima to jeste da li je moguće uključivati korisnike iz drugih općina kao korisnike projekta na što je uslijedio odgovor u skladu sa Smjernicama javnog poziva da svi korisnici moraju biti sa područja općine Gradačac.

Zaključeno je da bi predstavnici organizacija trebali započeti sa izradom projektnog prijedloga što prije, te da za narednu mentorsku sesiju pripreme konkretna pitanja u skladu sa prezentovanom ulogom mentora.

Naredne mentorske sesije planirane su **30. maja, 07. i 13. juna 2019.** godine. Zainteresovani učesnici svoje prijave za mentorsku sesiju mogu dostaviti na e-adresu Općine Gradačac [nerma.hm@gmail.com](mailto:nerma.hm@gmail.com)